


嘉慶定邊縣志



(清)

黃沛修  
江廷球  
宋謙增輯

本書十四卷首一卷，據清嘉慶二十五年（一八二〇）刻本影印。

定邊縣志序

夫撰述邑志厥有權輿春秋地名京璠實作後則地理緝成於班固郡縣踵紀於馬彪以及永初山川何徐州郡孝侯風土之記陸澄疆域之編沈約宋書廣及三方之制長孫隋志並兼五代之名莫不綜核前聞用資左證故鄭許說地多取乎班言郭杜解經每因乎彪見曰稽古籍可得而言顧欲於狗花犴火之鄉箐雨茅烟之境徵道元之缺軼證常據之漏疏覓乎難哉定邊昔屬衛所自漢迄明率

定邊縣志

卷首序

為翟夏所據屢遭兵燹我

朝車書一統雍正九年改衛置縣遂為邊陲要區然而地控烏延民多穀處邊聲秋起瓢笙蘆笛之腔瘠壤春回火種刀耕之計編餘丁於戶籍尋古戍於強臺怪木撐天旋颺走磧龍堆月冷霜花入夏而猶飛鷺跼沙迷牧馬嘶晨而不見闕殘碑於樵徑拾斷簇於畊畦古蹟多湮遺文莫考固未有志也丙子大令黃君少尹宋君銳志修刊苦心蒐緝越二載纂成縣志第為十四卷以稿示余余見其有

條不紊雖簡能賅凡一邑之風俗人情疆址田賦其沿革

源流瞭然可攷斯真宰是邦者求治之一助也嘉慶二十

五年歲次庚辰春二月

賜進士出身

誥授朝議大夫陝西延安府知府前禮部主客司郎中

軍機章京掌京畿道監察御史翰林院庶吉士元和陳鍾

麟序

定邊縣志

卷首序

二

定邊縣志序

周禮大司徒掌九州地域廣輪之數是為地志權輿漢成  
帝時劉向畧言其域分丞相張禹使屬穎川朱贛條其風  
俗晉裴秀作禹貢圖十八篇奏之序曰制國之體有六一  
曰分率所以辯表延之度也二曰準重所以正彼此之體  
也三曰道里所以定所由之數也四曰高下五曰方邪六  
曰迂直此三者各因地制宜所以較夷險之異也唐賈耽  
好地理學又撰成圖廣三丈從三丈三尺率以一寸折成

定邊縣志

卷首序

三

百里縮四極於緘縞分百郡於作績古郡國題以墨今州  
縣題以朱熙寧八年王應麟刪定九域圖更名九域志夫  
山川萬古不易州縣隨時遷建故志理難志地理於僻壤  
而又欲并其人物風俗而兼志之為尤難定邊昔為衛所  
國朝雍正九年始改衛為縣前此固未有志也後邑令徐  
君戴君搜輯舊聞奮然有纂修之志屬稿甫半先後去位  
垂四十餘年矣嘉慶壬申少尹宋君來甲戌邑侯黃君來  
丙子貳尹江君來三君子者皆淹雅淵博豈然小邑無事

乘為憾於是即徐戴二君舊稿點竄裒稽積二年成書若

千卷將付歛刷問序於余余細擷之條貫賅備綱舉目張

竊嘆諸君能於鞅掌趨公之暇參考精詳使後之覽是志

者得洞悉邑中沿革利弊之所在其有裨於政治者豈淺

鮮哉嘉慶二十三年歲次戊寅仲冬

賜進士出身文林郎安塞縣知縣錢塘祝淳禧序

定邊縣志

卷首序

四

定邊縣志序

嘉慶壬申春予以大挑借補定陽司訓到任未浹旬即移病歸會從邑之劉生希周借閱縣志舊稿知纂於乾隆辛卯歲規模粗立參訂無人惜其末由成全書也越數載少尹宋君以浙東名宿思成此舉請於邑侯黃君因舊本而潤澤之自立縣始末城堡因革以及田賦兵防人物藝文諸類悉為補缺校辨疑似稽之案冊訪之紳庶暑寒兩易矣邑侯復加訂正兼綜條貫非皆深心於治道者不能慎

定邊縣志

卷首序

五

重若此夫是書也前徐戴二邑侯草創之或有志而未成或欲成而未果後遂秘惜收藏距今已四十餘年乃得編次其後先臚列其體例可以信今可以傳後者何也蓋有是事必需是人而有是人尤必需是時人與時俱而事成焉此理勢之必然者也豈獨此志乎哉然則謂定邑有志即自今日始焉亦無不可我

皇上德威覃敷遠至邇安中外如一矣惟願生斯土者農安於野士勤於書戶口殷實科第蟬聯後之續者奉為成

規鋪張揚厲以永昭我

朝統馭之遠淪浹之深則此舉之所關誠重矣將付棗梨適予復蒞茲任深幸舊稿之成而獲覩其全也用贅數言以弁卷首嘉慶二十三年歲次戊寅冬至前一日定邊縣訓導洛川董彩虹序

定邊縣志

卷首序

六

增輯邑志序

周禮邦國之志太史掌之四方之志外史掌之此志之所由昉也降及後世如地理郡國輿圖區邑諸志雖詳畧不一純疵各半要亦皆志之卓卓者焉然此特據天下而言之耳夫天下國之積也國邑之積也凡邑皆志而國之志成凡國皆志而天下之志成則開志之先即可因以集志之大成者必自邑志始定邊昔為衛所自設縣以來近百年矣甲戌秋九月余奉

定邊縣志卷首序

七

命來蒞是邑次歲即承嚴查保甲之令循行邊鄙驅車所至目覩夫荒村斷烟戶口蕭條蓋緣歲比不登民多失業為惻然者久之斯時即欲蒐討邑乘用佐不逮而心勞於撫字身疲於案牘匆匆未遑也丙子春適少尹宋君以修志請并出前令徐君戴君纂修舊稿余閱之因為縣志伊始然亦祇存什一於千百而草創初就未付剞劂迄今又四十餘年矣余正當公事旁午何能殫心研究深知宋君係浙東望族尊人鑄山先生由湖北黃安少府游升福建

壽寧縣知縣文章政事卓絕一時是蓋學有本原因屬從事編輯并屬貳尹江君協贊其事日見夫旁搜廣採遠稽

近徵或本舊編而修輯之或集見聞而增補之書凡十四卷閱歲餘而稿就授余訂定余惟為之一一潤飾之將使考疆域則有地理志察古今則有建置志崇報享則有祠祀志慎筭納則有田賦志嫻軍制則有兵防志樹功德則有官師志端坊表則有人物志振科第則有選舉志嚴斥埃則有邊備志工詞翰則有藝文志以為信史可也異日

定邊縣志卷首序

八

翰軒之使采風問俗以上備顧問以下資學士大夫之考證實藉徐戴二君之創始於前江宋二君之增事而增美也余於茲幸志之得以有成焉嘉慶二十二年歲次丁丑二月

賜同進士出身文林郎定邊縣知縣東安黃沛序

增輯邑志序

省郡州縣之有志曷敢上例於史哉然自志以陳其詳史乃藉以綜其概志與史二而一者也即一邑之有志不惟一方之山川田賦戶口學校風俗具載於其中彼司牧者之承流宣化施政宜民因其勢而利導之亦皆藉所繫焉志之攸關不綦重與豈非蒞茲土之所宜汲汲哉然或置焉勿講又或作而復輟寧人之不足以舉其事實事之必待成於其人也定邊據烏延上游自漢晉及宋明以來為

定邊縣志

卷首序

九

邊防要地兵燹時仍迫至

國朝中外一統蒙漢和耕無復烽火之警矣雍正九年改衛為縣前此固未有志也設縣後四十餘年徐邑侯戴邑侯相繼纂修成編未梓邑諸生劉君希周錄其稿而珍藏之俾未失墜今為少尹宋君訪得因以增輯之余以為可幸者多矣夫以徐戴二邑侯當日創始之苦心從茲不泯此其可幸者也此四十餘年之前往事陳迹設無二邑侯采載沿今幾及百年將欲求之其可得乎此其可幸者也

自二邑侯復四十餘年矣今茲纂修增輯後賴以追尋此其可幸者也丙子孟春余甫蒞勦縣事宋君有修志之請邑侯黃公屬余共為勦理余不自揣鄙陋而協贊之歲餘脫稿黃公鑒定成書即謀諸梨棗不同前稿之幾致湮沒并使覽是志者於此方之山川風俗一一瞭如指掌俟後之君子用徵文獻此則尤為可幸者也故曰志與史二而一者也余之以為可幸者多也嘉慶二十二年歲次丁丑仲春上浣候補縣丞署定邊縣縣丞事元和江廷球序

定邊縣志

卷首序

十

增輯邑志序

予何人斯敢云問政惟既入官任事是邦之風俗人情地理物產戶口田賦官蹟邊防往事勝蹟不可不一一知之是有賴乎邑志予以壬申季夏蒞任求閱邑志欲廣聞見始知定邊自雍正九年設縣迄今無志予心竊怏怏甲戌秋適與邑之諸生劉君希周敘談知其尊甫孝廉行菴先生曾從徐戴二邑侯協輯邑志書成待棗而二邑侯即先後謝事稿藏於其家予聞是言喜出望外即就索閱是書

定邊縣志

卷首序

十一

十志志凡一卷曰地理曰建置曰祠祀曰田賦曰兵防曰官師曰人物前戴邑侯所纂也曰選舉曰邊備曰藝文前徐邑侯所纂也計書成於乾隆辛卯歲今復四十餘年矣若不亟行增輯歷久更難徵信時黃邑侯豐亭先生下車政蹟未敢遽請明年奉檄編查保甲邑侯與予分路稽察殆無暇日丙子春始將所得志稿呈之邑侯邑侯囑與貳尹江君廷球協同採輯予日取郡志鎮志并縣冊營學檔案詳查復延訪耆老隨時核輯江君立式散給士庶採訪

彙陳編纂勞瘁頓忘歲月就原稿十卷分別部居增修加

輯凡原纂與近考互異事涉疑似者即別加按語並存參

考覽是志者知今昔之有殊亦足以廣所聞見也已其十

卷中如田賦官師人物藝文四志甄錄較多今各分為二

卷餘志仍為一卷通計一十四卷裒多益寡使卷帙各相

稱焉今年春是書草就質之邑侯復加鑒定於以有成因

為識其緣起嘉慶二十二年歲次丁丑春二月上浣定邊

縣典史會稽朱謙序

定邊縣志

卷首序

十二

創修邑志舊序

後漢書無地理志司馬彪補之曰郡國志以三代之州而求之漢則為郡國以漢之郡國而求之今則為州縣蓋沿革有由建置有故業已冠裳文物羣萃處矣而利弊攸關教養攸繫土物攸宜曰姑置勿問則視

國家之設土授官以重民事者莫如也是豈得以謏陋疎畧文其過乎君子之居是邦也下車必詢疾苦入國必視耗息將以敷政優優因其勢而利導之如庖丁解牛奏刀

定邊縣志卷首序

十三

書然動中肯綮故曰治如烹鮮何事高談治蹟為邑之有志即一邑之肯綮也有是書而經制於以出得失於以鏡治忽於以徵古人所以汲汲於郡國志之補即定邊設縣始於雍正九年前此概未聞有志也距今又四十年矣官是土者曾無操不律者乎不曰我如傳舍而曰此無足瀕公抑曰將以有待也以故悠悠忽忽因循不舉問之士夫數典已忘其祖叩之芻蕘出入不知其鄉是不亦茲邑之憾與憶余已酉修閩將樂縣志幾閱寒暑勒有成書問世

矣丁亥宰是邑即與明經牛君議集此事比己丑秋解組中間倥傯與役奔馳於磚鹽二堡城工筆硯緣慳有志未遂剡屏戴明府以名進士抱淹雅才於庚寅春蒞任茲土發憤纂修遂徵牛君入局從事編輯書甫成剡屏已歸道山矣悲夫志凡若干門邊隅無藏書窮於援據因事直書以備考核篝燈釐訂稍稍損益俾留心國計民生者如覲面談如掌上指則剡屏之功不泯異日復有徵文獻而采輶軒者續而潤色之上追古史其以是為蒿矢可耳乾隆

定邊縣志卷首序

十四

三十六年歲在辛卯秋九月九日

內廷教習文林郎前定邊縣知縣錢塘徐觀海序

協同修輯者拔貢生牛薦歲貢生後登乙酉科舉人劉時

廩生梁特用趙鎬生員李仰儒

協同採訪者廩生白世榮優生賀可眷增生白僕儒士何

澍

創修邑志舊序

一代之史一代之志也一邑之志一邑之史也以示遵循則取其信以資考證則貴其詳定陽自雍正九年始設縣其先皆為衛所兵燹之後孰採輶軒武弁之員誰操班管其不能求詳良無足怪今欲作志惟取其信焉而已其志有重鑄新創之不同重鑄者襲常蹈故或猶以習見而忽之至新創之書一出邑人士如獲異珍如奉金玉是豈謂其揆藻摘華足稱彬雅云爾哉往牒既無傳多據近時之

定邊縣志卷首序

十五

事故老不盡沒猶留聞見之真以其所見聞徵吾所記載必適與相符者衆斯貼然服矣否則輾然疑矣其在沿革建置形勝古蹟之類縱或援引浮文是非失實猶屬無甚關要者耳至於賦役田土關乎一邑之休戚利病苟徒紀物產之富麗誇戶口之殷繁覽是志者能無不中肯綮之譏乎忠孝節義關乎一邑之風俗人心苟或冒空名於簡端埋幽魂於芳草覽是志者不且有穢史之誚乎故不信之志雖詳無裨不如無之之為愈庚寅冬余奉

命來宰定邑越明年差務頗仍日馳驟於皇華車馬之間

案牘尚虞塵封獄辭問東高閣奚暇計及邑志之修否也

秋盡冬初始得寧息乃悉心民間事邑之鄉進士牛君因

向余曰定邑從無縣志前江右徐賢侯欲修之然有其志

而未逮後山左戴賢侯命予入局共修之又草其書而未

成今將繼續成編付之剞劂但以文獻無徵末由廣攬用

是卷軸無多頗以為憾余曰君何不足而少之君生長此

地所聞不謬所見不虛與余同年友剡屏共襄有成其採

定邊縣志卷首序

十六

擇必精其記載必信既信矣即可以示遵循雖有未詳不

足為病蓋創始之功最大而創始之文多畧事固然也繼

此文明大啓人物奮興駸駸乎雲蒸霞蔚有博雅者重鑄

而潤色之質亦信文亦信謂為定邑之志也可謂為定邑

之史也可而又何莫非今日之信有以流傳不替歟牛君

釋然而退余亦援筆而書之乾隆三十七年歲次壬辰上

元

賜進士出身文林郎定邊縣知縣營山王鳳鳴序

城堡疆域總圖

定邊古鹽州地舊為衛所自

國朝雍正九年始設縣與鹽場磚井安邊柳樹

澗共五城堡雉堞隆崇規模宏遠地則中外和

耕市則彞夏交易此一統無外之盛亘古所未


有也他如昔之新安邊三山石澗新興饒陽水

五堡悉裁併歸縣屬仍為表出其餘山川古蹟

節舉其勝而隣境接壤亦詳及焉

定邊縣志

城堡疆域總圖



定邊縣志

城堡疆域總圖

甘肅花馬池郭家庄  
 二道溝靈州界距縣七十里

定邊縣南接甘肅慶陽府安化縣界走馬城二百七十里至慶陽  
 府城五百四十里北接邊牆口外一里至鄂套貝勒營盤五百二  
 十里東界靖邊縣寧條梁一百七十里至靖邊縣城二百三十里  
 西界甘肅寧夏府靈州二道溝七十里至靈州城三百六十里東  
 南接保安縣界土豁堖二百五十里至保安縣城四百里東北至  
 邊牆口外一里至鄂套貝勒營盤五百二十里西南接慶陽府環  
 縣界黃家天池二百八十里至慶陽府城五百七十里西北接靈  
 州花馬池郭家庄四十里至寧夏府城三百六十里


塘路圖

定邊五城堡轄五塘十八路東西廣  
一百八十里南北袤二百八十里東  
接榆延西通甘涼南隣環慶北枕沙  
漠土廣邊長三秦要塞也

定邊縣志

塘路圖

三




定邊縣志

塘路圖

四

右塘路圖除城堡不計里數外東西  
九方每方橫作二十里計廣一百八  
十里也南北七方每方直作四十里  
計袤二百八十里也




鹽池圖

花馬大鹽池在鹽場堡北距縣二十里池周十  
 六里許每歲春間開治壩畦引水灌溉風起波  
 生自然凝鹽此官池也其餘爛泥波羅蓮花哇  
 哇紅崖五池產鹽無定向聽居民撈晒食用至  
 蒙古大池倭波狗池均係口外鄂套貝勒所轄  
 地方併繪備閱

定邊縣志

鹽池圖

五




定邊縣志

鹽池圖

六

左列定靖兩縣界址圖以定邊口外係  
 鄂套旂靖邊口外係武勝旂為兩縣銷  
 售官茶之地故統繪以備稽考





增輯邑志凡例

一徐戴二邑侯原纂至乾隆三十六年止書成未梓今重加增輯至嘉慶二十三年止

一輿圖為邑宰蒞任須知必不可少茲增繪城堡疆域總圖塘

路圖鹽池圖定靖兩縣界址圖置列卷首以備披覽

一各門悉仍原纂其各門內小目間有增易俱加按語

一原纂核與近考未符又事涉疑似者即於句下加具按語至

原纂太簡之處仍查明增輯以備參考

一城垣壇廟公廨俱查明增輯周圍若干寬廣若干間架若干

定邊縣志 卷首 凡例

某建某修以備稽閱 各堡廟宇間架  
建修未能備載

一山川堡寨俱查明增輯方向里數源流利益庶有所考察

一祠祀坊表等類如舊有今廢者仍查明登載以垂示來茲

一田賦課稅戶口俱查照賦役全書並歷年案據逐加增輯蓋

以經制攸闕寧詳毋畧凡舊額新增因革損益之處必具述

源流以示來茲

一豁免蠲免錢糧等項原纂並未列載今增列田賦志之首目

曰 恩澤以誌 皇仁

一職制昔有今裁及職官姓名有無可考信徵疑闕以存舊規

一節孝業經題 旌者登載無遺其年例相符尚未題請者

仍皆採訪確實按年錄入以昭貞行

一文學為邑之靈秀悉採增輯有品學兼優者更為詳叙以垂

則儆

一耆壽鄉飲為閭閻表望仍俱採輯並查有善行無論小大即

行著載用示獎勵

一武備為邊陲要務凡有舊制悉錄存之以備稽考

一條議詩文有關斯土形勢風俗者採擇增輯以資識見

定邊縣志 卷首 凡例

二

定邊縣志目錄

第一卷

地理志

分野 疆域 形勝 山川  
古蹟 風俗 歲時

第二卷

建置志

設縣 城垣 公廨 倉廩 義學  
郵驛 稅局 塘汛 坊表

第三卷

祠祀志

壇廟 寺觀

第四卷

田賦志

思澤 土田 額賦  
丁賦 戶口 茶法

定邊縣志

卷首 目錄

一

第五卷

田賦志

鹽法 雜稅 倉貯  
物產 中外和耕

第六卷

兵防志

兵制 馬政 協濟馬匹  
糧餉 驛馬 優卹弁兵

第七卷

官師志

設官 職官

第八卷

官師志

職官 宦蹟

第九卷

人物志

忠烈 孝友  
節烈

第十卷

人物志

義行 文學 耆壽 鄉飲  
隱逸 方技 釋教

第十一卷

選舉志

科第 貢生  
仕宦 封廕

第十二卷

邊備志

邊牆 河套  
沿革 禦邊

第十三卷

藝文志

條議 詩選

定邊縣志

卷首 目錄

二

第十四卷

藝文志

雜文 碑記

定邊縣志

知縣黃 沛豐亭鑒定

縣丞江廷球楊齋檢校  
典史宋 謙吉甫增輯

地理志卷一

前令戴元夔論曰普天之下莫非王土定邑自我

朝定鼎卽列版圖何延榆綏舊志略而不載耶豈唐宋沒於西夏  
勝朝又多兵火自古無傳之者耶夫漢時河內地皆爲郡縣此亦  
屬上郡地何不按籍稽耶蓋邊地既遠今古異名疆場多故文獻  
無徵亦有難者余卽身所經歷及故老傳聞聊記一二欲求詳備

定邊縣志

卷一 地理志 分野

難矣

分野

延安郡禹貢雍州之域天文井鬼分野

按漢書地理志云自井十  
度至柳三度爲鶉首於辰

在未爲延之分野 天之  
一度爲地一千九百餘里

春秋白翟所居秦上郡地漢曰翟國後

魏曰東夏州西魏曰延州隋唐曰延安郡宋改延安府由明迄

大清爲延安府定邊隸焉

寰宇記云北方水位自河曲黃甫川西經榆林至寧夏鎮又西

經蘭州踰河至嘉峪關四千餘里得水位之半

郡志云凡星野之說可用於統部通志而不可用於州縣之志

蓋謹人事而應天象理所宜然至於葺爾一隅未知當於天度  
幾許而修志者輒引周漢國都強相附會非其質矣然沿習已  
久去之或訝衆目故附載於此

疆域

定邑東界靖邊縣二道塘西界甘肅花馬池郭家庄南界甘肅環  
縣走馬城北界邊牆西南界甘肅靈州及環縣東南界保安縣金  
湯鎮東北西北皆邊牆東西廣一百八十五里南北廣二百九十  
里

縣冊東界靖邊縣一百六十里西界甘肅靈州花馬池二十五里

定邊縣志

卷一 地理志 疆域

南界甘肅環縣二百九十里東南界甘肅安化縣二百七十里北  
界邊牆一里共分十八塘路

郡志定邊東至寧塞堡靖邊縣界一百六十里西至花馬池寧夏

靈州界四十里南至鐵鞭城環縣界二百六十里北至邊牆一里

東南至吳旗營靖邊縣界一百七十里西南至五個掌兒環縣界

二百六十里東北至大邊一里西北至大邊一里東至府五百五

十五里至西安布政司一千三百六十里

東至靖邊縣治二百三十里西至靈州治三百六十里西北至寧

夏府治三百六十里東南至慶陽府治五百四十里